



Funisionáriu Alfândega Timor-Leste iha Sentru Edukasaun no Formasaun Alfândega Indonézia, iha Jakarta

HARII RELASAUN INTERNASIONAL

Iha pasu signifíkativu hodi promove kooperasaun bilateral, Autoridade Aduaneira foin lalais ne'e fasilita partisipasaun membru funisionáriu na'in ruanulu-resin-lima iha komprensivu Kursu Formasaun Báziku Alfândega. Inisiativa ne'e, hala'o iha Diresaun Jerál Alfândega no Impostu (DGCE siglá Inglés) Sentru Edukasaun no Formasaun (Pusdiklat) iha Jakarta, ne'ebe hala'o bazeia ba MoU ne'ebe asina ona entre entidade rua ne'e.

Husi loron 2 to'o 16 fulan Juñu tinan 2023, programa intensivu semana-rua inklui asuntu prinsipal hanesan klasifikasaun Tarifa Alfândega, Organizasaun Mundial Komérsiu (OMK), Regra

Valusaun, Regra OMK Orijin, Jestaun Risku, no prinsipiu fundamental husi kontrolu Alfândega.

Funisionáriu AA espresa sira nia apresiasaun kle'an ba oportunidade ne'e hodi engaja ho parseiru Indonesia no hetan koñesimentu ne'ebe preziozu durante programa formasaun, ne'ebe mos ajuda sira atu aumenta sira nia komprensiaun kona-ba knaar no responsabilidade iha Autoridade Aduaneira.

Ba oin, Autoridade Aduaneira esforsu hodi antisipa liutan kolaborasaun ho Diresaun Jerál Alfândega no Impostu Indonesia. Susesu husi formasaun ida ne'e hametin sira nia kompromisu atu hala'o inisiativa konjunta iha futuru.



Komisariu hamutuk ho ekipa TL iha OMK Jenebra

FORUM INTERNASIONAL

Hahú husi 15-22 Abril 2023, Komisáriu no Koordinator AA, Relasaun Institucional no Komunikaun no re-presentante husi Ministériu Turizmu, Komérsiu no Industria (MTCI) ba Jenebra hodi hala'o misaun espesial ida kona-ba Adezaun Timor-Leste ba Organizasaun Mundial Komérsiu (OMK). Ekipa ne'e hasoru malu hodi halo revizaun ba konteúdu akordu no asina akordu pendente sira ho membru OMK no diskute - planu enkontru sira tuir mai hodi finaliza asuntu asinatura akordu ho membru OMK sira seluk.

Enkontru Grupu da-6 tuir mai sei hala'o iha fulan Setembru tinan 2023 no hein katak Timor-Leste sei sai membru OMK durante enkontru Konferensia Ministerial da-13 (MC13 siglá Inglés) iha fulan Feveireiru tinan 2024. Membru Grupu apresia esforsu ne'ebe halo ona husi Timor-Leste no oferece oportunidade formasaun atu aselera prosesu adezaun ba OMK.

Enkontru ne'e prezide husi Ministru Koordinator Asuntu Ekonómiku Timor-Leste (MCAE) Sr. Joaquim Amaral.



Feto AA fahe idea durante sesaun

KAPASITASAUN INTERNA BA FETO AA

Iha loron 27 fulan Abril tinan 2023, USAID nia Atividade Governasaun Komérsiu tulun feto Autoridade Aduaneira (AA) atu hala'o sira nia enkontru regular fulan-fulan hodi diskute tópicu sira importante ne'ebe relasiona ho asuntu kapasitasaun feto nian hamutuk ho Espesialista Atividade GEWE. Hanesan parte ida husi tópicu anterior ne'ebe diskute ona kona-ba 'Konteudu Dezenvolvimentu no Abilidade Ko'alia iha Públiku', hala'o sessaun práktiku ho feto AA atu dezenvolve sira nia abilidade iha pasu balun no oinsá atu iha preparasaun ne'ebe diak liu molok apresenta.

Partisipante ida-idak iha oportunidade atu ko'alia minutu 2 kona-ba tópicu espesifiku ne'ebe fo husi fasilitadór. Partisipante sira espresa katak sira gosta sessaun ne'e, iha ne'ebe tópicu sira hili kahur malu husi lista ida liafuan-xave nian. Iha inisiu, sira hatudu katak sira senti taik utoan, tanba sira iha tempu utoan atu prepara, maibé

sira komprende katak ezersísiu ne'e mak atu prepara sira ba buat ne'ebe la espera.

Fasilitadór no vise-Xefe Ekipa, Sr. Sergio Riveros enkoraja partisipante sira atu 'nafatin prepara-an ba situasaun ne'ebe la espera', liu-liu abilidade relasiona ho ko'alia iha públiku tanba sira bele halo ida ne'e iha enkontru partikular ruma".

Hafoin ida ne'e, hatudu vídeo ida ba partisipante sira kona-ba sira nia sessaun práktiku, nun'e sira identifika no kuriji lakuna no mellora prátika ko'alia iha públiku iha futuru. Konsidera katak númeru partisipante feto AA hahu menus iha enkontru da-2 ikus, fasilitadór no Diretora RU AA no Unidade Formasaun Sra. Marlina diskute opsau sira hanesan mudansa fatin ka relata partisipasaun ba superior sira iha AA hodi haree ba estratájia ne'ebe posivel hodi bele aumenta partisipante iha enkontru fulan-fulan tuir mai. Enkontru Fulan-Fulan Feto AA tuir mai sei hala'o iha fulan Julu tinan 2023, iha ne'ebe ekipa RU AA, sei apresenta tópicu relasiona ho rekursu Umanu.

IMPLEMENTASAUN DEKLARASAUN ELETRÓNIKU (E-DEKLARASAUN) BA PASAJEIRU IHA ÁREA AEROPORTU NO FRONTEIRA.

Implementasaun deklarasaun eletróniku (e-deklarasaun) ba pasajeiru iha área aeroportu no fronteira.

Iha loron 1 fulan Maiu tinan 2023, Autoridade Aduaneira Timor-Leste hahu implementa Deklarasaun Eletróniku ba pasajeiru ne'ebe lansu online ba pasajeiru sira ne'ebe tama iha Timor-Leste liuhusi Aeroportu Internasional, Presidente Nicolau Lobato, no área fronteira Batugade no Suai.

Sr. Zeca Amaral, Koordinator Unidade Informática no

Estatística AA, hateten katak, ida ne'e susesu ida ba Alfândega atu hahu transforma buat hotu eletrónicamente.

"Ita prezisa atu asegura katak estratájia laho surat-tahan tenki kontinua dezenvolve no implementa iha Alfândega hodi nun'e bele jere tempu, no halo buat hotu teknikalmente organizadu." nia hateten.

E-Deklarasaun dezenvolve husi ekipa projetu Janela Nasional Únika Timor-Leste ne'ebe servisu atu junta ka liga parte sira ne'ebe envolve iha prosesu Alfândega.